

“TASDIQLAYMAN”
O‘zbekiston Respublikasi
adliya vaziri o‘rinbosari


M. Ikramov

2023-yil 15-dekabr



SUOMI
FINLAND



**Aholiga bepul yuridik yordam ko‘rsatish faoliyati bilan shug‘ullanuvchi
nodavlat notijorat tashkilotlari va yuridik klinikalar faoliyatini baholash
yuzasidan tanlov o‘tkazish tartibi to‘g‘risida
NIZOM**

1-bob. Umumiy qoidalar

1. Mazkur Nizom “O‘zbekistonda qonun ustuvorligi va inson huquqlarini himoya qilishni mustahkamlash” loyihasi doirasida O‘zbekistondagi bepul yuridik yordam ko‘rsatish faoliyati bilan shug‘ullanuvchi nodavlat notijorat tashkilotlari va yuridik klinikalar uchun aholiga bepul yuridik yordam ko‘rsatish sohasida ularning 2023-yildagi faoliyatini baholash maqsadida tanlov (keyingi o‘rinlarda – Tanlov) o‘tkazish tartibini belgilaydi.

2. Tanlov “O‘zbekistonda qonun ustuvorligi va inson huquqlarini himoya qilishni mustahkamlash” loyihasi doirasida O‘zbekistondagi Birlashgan Millatlar Tashkilotining Taraqqiyot dasturi (keyingi o‘rinlarda – BMTTD) tomonidan O‘zbekiston Respublikasi Adliya vazirligi bilan birgalikda Finlyandiya Tashqi ishlar vazirligi moliyaviy ko‘magida amalga oshiriladi.

3. Tanlov O‘zbekistonda ijtimoiy himoyaga muhtoj aholiga (shu jumladan ayollar, nogironligi bo‘lgan shaxslar va yoshlarga) nodavlat notijorat tashkilotlari (keyingi o‘rinlarda – NNT) va yuridik klinikalar tomonidan birlamchi yuridik yordam ko‘rsatish tizimini yanada rivojlantirish, ushbu sohada ko‘rsatgan samarali faoliyati uchun NNT va yuridik klinikalarni rag‘batlantirish maqsadida amalga oshirilmoqda.

4. Ushbu Nizomda belgilangan tartibda Tanlov g'oliblari axborot-kommunikatsiya texnologiyalari jihozlari (keyingi o'rinlarda – AKT jixozlari), shuningdek BMTTD va Adliya vazirligining sertifikatlari bilan taqdirlanadi.

5. Nizomda quyidagi asosiy tushunchalardan foydalaniladi:

talabgor – Tanlovda ishtirok etish istagini bildirib, ariza va ushbu Nizomga asosan o'z faoliyati yuzasidan so'ralgan ma'lumotlarni taqdim etgan NNT yoki yuridik klinika;

ariza – ushbu Nizomga muvofiq Tanlovda ishtirok etish uchun talabgor tomonidan taqdim etilgan ma'lumotlar va hujjatlar;

Baholash komissiyasi – Tanlovda ishtirok etish uchun arizalarni qabul qilish, ko'rib chiqish, baholash, g'oliblarni aniqlash va g'oliblarni rag'batlantirish bilan bog'liq tadbirlarni amalga oshiruvchi organ.

2-bob. Talabgorlarga qo'yiladigan talablar

6. Talabgor Tanlovda ishtirok etish uchun quyidagi talablarga javob berishi kerak:

Tanlovda ishtirok etish uchun ariza qabul qilish boshlanganligi to'g'risida e'lon qilingan vaqtda O'zbekiston Respublikasida ro'yxatdan o'tgan NNTning tashkiliy-huquqiy shakllaridan birida yoki yuridik klinika sifatida faoliyat ko'rsatayotgan bo'lishi;

asosiy faoliyat yo'nalishi aholiga birlamchi bepul yuridik yordam ko'rsatishdan iborat bo'lishi;

2023-yil davomida (2023-yil yanvar oyidan Tanlovda ishtirok etish uchun ariza qabul qilish boshlanganligi to'g'risida e'lon qilingan vaqtda qadar) bepul yuridik yordam ko'rsatish sohasida to'liq faoliyat olib borgan bo'lishi.

7. Quyidagilar Tanlovda ishtirok etishi mumkin emas:

iste'mol kooperativlari;

xususiy uy-joy mulkdorlari shirkatlari;

fuqarolarning o'zini o'zi boshqarish organlari;

siyosiy partiyalar;

diniy tashkilotlar;

O'zbekiston Respublikasi Notariat palatasi va uning hududiy bo'linmalari;

O'zbekiston Advokatlar palatasi va uning hududiy boshqarmalari, shuningdek, advokatlik tuzilmalari;

O'zbekiston fermer, dehqon xo'jaliklari va tomorqa yer egalari kengashi, shu jumladan viloyat va tuman kengashlari;

O'zbekiston Savdo sanoat palatasi va uning hududiy boshqarmalari.

3-bob. Tanlov yo'nalishlari

8. Talabgorlar 2023-yil davomidagi quyidagi yo'nalishlarda olib borgan faoliyati natijalari bo'yicha kompleks tahlil qilinadi va baholanadi:

yil davomida bepul yuridik yordam ko'rsatishda qamrab olingan aholi soni, shu jumladan nogironligi bo'lgan shaxslar, ayollar, yoshlarga ko'rsatilgan bepul yuridik yordam soni haqidagi ma'lumotlar;

sayyor tartibda aholi punktlariga chiqib ko'rsatilgan bepul yuridik yordam haqidagi ma'lumotlar;

masofadan turib, onlayn yoki ishonch telefonlari orqali ko'rsatilgan bepul yuridik yordam soni haqidagi ma'lumotlar;

bepul yuridik yordam ko'rsatishda shahar markazidan olisdagi chekka hududlardagi aholini qamrab olinganligi darajasini tasdiqlovchi ma'lumotlar;

ommaviy axborot vositalari va internet tarmog'ida huquqiy savodxonlikni oshirishga qaratilgan ishlarda faollik darajasini tasdiqlovchi ma'lumotlar;

talabgorning bepul yuridik yordam ko'rsatishda ishtirok etgan xodimlari haqidagi ma'lumotlar;

Agar mavjud bo'lsa, talabgorlar bepul yuridik yordam ko'rsatish faoliyatida faolligini tasdiqlash uchun mazkur ma'lumotlardan boshqa qo'shimcha ma'lumotlar (bepul yuridik yordam ko'rsatishda yosh kadrlarni, shu jumladan yurisprudensiya sohasida ta'lim olayotgan talabalarni jalb qilganlik, bepul yuridik yordam ko'rsatishda sarflangan davlat yoki donorlar mablag'lari haqidagi ma'lumotlar, jamiyat va davlat tomonidan e'tirof etilganligini tasdiqlovchi ma'lumotlar, sertifikat, tashakkurnomalar nusxasi, va hokazo) taqdim qilishi mumkin.

9. NNT bo'lgan talabgorlardan uchtasi Tanlovda baholash natijalariga ko'ra, "Yilning eng faol bepul yuridik yordam ko'rsatgan nodavlat notijorat tashkiloti" nominatsiyasi bo'yicha 1, 2 va 3-o'rinlar uchun taqdirlanadi.

Yuridik klinika bo'lgan talabgorlardan uchtasi "Yilning eng faol yuridik klinikasi" nominatsiyasi bo'yicha 1, 2 va 3-o'rinlar uchun taqdirlanadi.

4-bob. Tanlovni o'tkazish tartibi

10. Tanlov quyidagi bosqichlarda amalga oshiriladi:

a) ishtirok etish uchun talabgorlardan arizalarini qabul qilish boshlanganligi to'g'risida e'lon berish;

b) arizalarni qabul qilish (davomiyligi e'londa ko'rsatiladi);

d) arizalarga ko'ra talabgorlar faoliyatini tahlil qilish va baholash;

e) natijalarni e'lon qilish va g'oliblarni taqdirlash to'g'risida xabardor qilish;

f) g'oliblarni taqdirlash tadbirini o'tkazish, ularga sertifikat AKT jihozlarini taqdim qilish.

11. Tanlovda ishtirok etish uchun talabgor arizalarni qabul qilish boshlanganligi haqidagi e'londa ko'rsatilgan elektron pochta manzillariga ushbu Nizomning 1-ilovasiga muvofiq shaklda to'ldirilgan ariza, shuningdek unga ilova qilinadigan hujjat va ma'lumotlarni o'zbek yoki rus tillarida taqdim etadi.

12. Arizaga quyidagi hujjatlar ilova qilinadi:

NNTning davlat ro'yxatidan o'tganligini tasdiqlovchi hujjat nusxasi (yuridik klinikalar uchun yuridik klinika tashkil etilganligini tasdiqlovchi hujjat nusxasi);

NNTning ustavi nusxasi (yuridik klinikalar uchun ichki nizom nusxasi);

ushbu Nizomning 2-ilovasidagi 1, 2 va 3-jadvallarga muvofiq shaklda talabgorning 2023-yildagi faoliyati haqidagi ma'lumotlar;

talabgor arizasini asoslash uchun zarur deb hisoblagan boshqa ma'lumot va hujjatlar (agar mavjud bo'lsa).

13. Talabgorlarning arizalarini baholash uchun ushbu Nizomning 3-ilovasida belgilangan tarkibda Baholash komissiyasi tashkil etiladi.

Baholash komissiyasining har bir a'zosi talabgorlarning arizalari asosida ular faoliyatini ushbu Nizomning 4-ilovasida belgilangan mezonlar asosida umumiy 100 ballik tizimda baholab, baholash shaklini to'ldiradi.

14. Baholash komissiyasining har bir a'zosi tomonidan qo'yilgan ballar umumlashtirilganda eng yuqori ball to'plagan uchta NNT va uchta yuridik klinika 1, 2, 3-o'rinlar bo'yicha g'olib deb hisoblanadi.

15. Talabgorlar tomonidan teng miqdordagi ball to'plangan taqdirda, quyidagilarga ustunlik beriladi:

chekka hududlardagi aholiga bepul yuridik yordam ko'rsatishda faol bo'lgan talabgorlar;

bepul yuridik yordam ko'rsatishda tajribali kadrlar bilan bir qatorda yosh kadrlar, shu jumladan yurisprudensiya yo'nalishida ta'lim olayotgan talabalarni jalb qilishda faol bo'lgan talabgorlar;

bepul yuridik yordam ko'rsatishda bir nafar xodim tomonidan o'rtacha nechta bepul yuridik yordam ko'rsatilganligi darajasi (boshqa talabgorlarga nisbatan);

o'z faoliyatida jamiyat va davlatning e'tirofiga erishgan talabgorlar.

8-bob. Tanlov g'oliblarini taqdirlash

16. Tanlov g'oliblarini taqdirlash uchun umumiy byudjet 9 900 (to'qqiz ming to'qqiz yuz) AQSH dollarini tashkil etadi.

17. Tanlov g'oliblarini taqdirlash uchun qaysi turdagi AKT jixozlarini xarid qilish masalasi umumiy byudjetdan kelib chiqib, Baholash komissiyasi tomonidan belgilanadi.

Baholash komissiyasi tomonidan belgilangan ro'yxatga ko'ra BMTTDning O'zbekistondagi Xaridlar departamenti tegishli AKT jixozlarini xarid qilish choralarini ko'radi.

18. Baholash natijalariga ko'ra g'olib talabgorlar haqidagi ma'lumotlar Adliya vazirligining hamda BMTTDning ijtimoiy tarmoqlardagi sahifalariga joylashtiriladi.

19. Tanlov g'oliblari Adliya vazirligi binosida vazirlik rahbariyati va BMTTD vakillari ishtirokida AKT jixozlari va sertifikat bilan taqdirlanadi.

Taqdirlash marosimi o'tkaziladigan kun, vaqt va joy haqida g'oliblarga qo'shimcha ravishda xabar beriladi.

9-bob. Yakuniy qoidalar

20. Tashkiliy organ talabgorlarning Tanlovda ishtirok etishi munosabati bilan qilgan xarajatlarini qoplamaydi.

21. Talabgor arizasida ko'rsatilgan elektron pochta manziliga Tashkiliy organ tomonidan yuborilgan yuridik ahamiyatga ega xabarlarni olmaganlik (tanishmaganlik) oqibatlarini xavfini o'z zimmasiga oladi.

22. Tanlov tashkilotchilari Talabgorlarning arizalarini ko'rib chiqish natijalari to'g'risida xabardor qilish va Tanlovda g'olib bo'lmaganlik sabablarini tushuntirish majburiyatini olmaydi.

23. Talabgorlar Tanlovda ishtirok etish uchun ariza taqdim etish orqali Tashkiliy organga Tanlovning shaffofligi va ochiqligini ta'minlash maqsadida ushbu arizaning bir qismi sifatida taqdim etilgan barcha ma'lumotlardan foydalanish huquqini beradi.

Aholiga bepul yuridik yordam ko'rsatish faoliyati bilan shug'ullanuvchi nodavlat notijorat tashkilotlari va yuridik klinikalar faoliyatini baholash yuzasidan tanlov o'tkazish tartibi to'g'risidagi nizomga 1-ilova



“O‘zbekistonda qonun ustuvorligi va inson huquqlarini himoya qilishni mustahkamlash” loyihasi doirasida aholiga bepul yuridik yordam ko‘rsatish faoliyati bilan shug‘ullanuvchi nodavlat notijorat tashkilotlari va yuridik klinikalar faoliyatini baholash yuzasidan tanlovda ishtirok etish bo‘yicha ARIZA SHAKLI

TALABGOR HAQIDAGI UMUMIY MA'LUMOTLAR	
Talabgorning tashkiliy shakli	<ul style="list-style-type: none"> o NNT (NNTning tashkiliy huquqiy shakli ham ko'rsatiladi) o Yuridik klinika
Talabgorning nomi:	<i>davlat ro'yxatidan o'tkazilganligi to'g'risidagi guvohnomaga muvofiq, ariza beruvchining to'liq nomini ko'rsating/yuridik klinikalar uchun qaysi tashkilot tarkibida tashkil etilganligi to'liq nomini ko'rsating</i>
Talabgorning davlat ro'yxatidan o'tkazilgan (tashkil etilgan) sanasi	<i>davlat ro'yxatidan o'tkazilganligi to'g'risidagi guvohnomaga muvofiq, ariza beruvchining ro'yxatga olingan sanasini ko'rsating</i>
Talabgorning asosiy faoliyat sohasi (Ustavga muvofiq, yuridik klinikalar uchun ichki nizomga muvofiq)	
Talabgor tomonidan bepul yuridik yordam ko'rsatilgan hudud(lar)	<i>(viloyat, tuman)</i>
Talabgorning bepul yuridik yordam ko'rsatishda ishtirok etgan xodimlari soni	<ol style="list-style-type: none"> 1. bevosita bepul yuridik yordam ko'rsatgan xodimlar soni; 2. bepul yuridik yordam ko'rsatishda ishtirok etgan boshqa xodimlar sonini (texnik xodimlar va boshqalar) ko'rsating.
Bepul yuridik yordam ko'rsatishda jalb etilgan valantyorlar (talabalar) soni (agar mavjud bo'lsa)	<i>bepul yuridik yordam ko'rsatishda jalb etilgan volontyorlar (talabalar) sonini aniq ko'rsating.</i>
Bepul yuridik yordam ko'rsatishda	<i>hamkorlar nomini to'liq ko'rsating</i>

ko'maklashgan mahalliy
va xalqaro hamkorlar

TALABGORNING ALOQA MA'LUMOTLARI

Arizachining yuridik manzili:

< viloyat, tuman (shahar), ko'cha, uy raqami va boshqalar >

Arizachining amaldagi manzili (agar yuridik manzilidan farq qilsa):

< viloyat, tuman (shahar), ko'cha, uy raqami va boshqalar >

Elektron pochta manzili:

Telefon raqami: +998

Telegram orqali bog'lanish uchun havola (link): @_____

Veb-sayt (agar mavjud bo'lsa): _____

TALABGORNING RAHBARI HAQIDAGI MA'LUMOTLAR

F.I.O.: _____

Manzil: _____

Elektron pochta manzili:

Telefon raqami: +998

Telegram orqali bog'lanish uchun havola (link): @_____

ARIZAGA ILOVALAR

1. NNTning davlat ro'yxatidan o'tganligini tasdiqlovchi hujjat nusxasi (yuridik klinikalar uchun yuridik klinika tashkil etilganligini tasdiqlovchi hujjat nusxasi);

2. NNTning ustavi nusxasi (yuridik klinikalar uchun ichki nizom nusxasi);

3. Talabgorning 2023-yildagi faoliyati haqidagi ma'lumotlar;

4. Boshqalar

5. ...

Men ushbu shaklda taqdim etgan ma'lumotlarim to'liq va to'g'ri ekanligini, Aholiga bepul yuridik yordam ko'rsatish faoliyati bilan shug'ullanuvchi nodavlat notijorat tashkilotlari va yuridik klinikalar uchun tanlov o'tkazish tartibi to'g'risida nizom talablari bilan tanishib chiqqanligimni hamda tashkilotim (yuridik klinika) nomidan ish yuritish huquqiga ega ekanligimni tasdiqlayman.

Sana: _____

Talabgorning rahbari F.I.O: _____

Imzo: _____

Muhr (agar mavjud bo'lsa)

Aholiga bepul yuridik yordam ko'rsatish faoliyati bilan shug'ullanuvchi nodavlat notijorat tashkilotlari va yuridik kimlikalar faoliyatini baholash yuzasidan tanlov o'tkazish tartibi to'g'risidagi nuzomga
2-ilova

		I-jahval													
		2	3	4	5	6	7	8	9	10	11	12	13	14	15
		Shundan													
2023-yilda ko'rsatilgan bepul yuridik yordamning umumiy soni	Yuridik yordam ko'rsatish usuli bo'yicha	Yuridik yordam ko'rsatish usuli bo'yicha				Hududlar bo'yicha		Shaxslar doirasi bo'yicha			Yuridik yordam ko'rsatish shakli bo'yicha		Bepul yuridik yordam ko'rsatish uchun sarflangan mablag'lar bo'yicha *		
		sayyor tartibda	onlayn	ishonch telefonlari orqali	bevosita tashkilotga kelganda	shahar markazlari va shahar markazlariga yaqin tumanlarda	chekka hududlarda	ayollarga	yoshlarga	negironligi bo'lgan shaxslarga	boshqalarga	og'zaki tushuntirish va maslahatlar berish orqali	yozma hujjatlar tayyorlash yoki yozma tushuntirishlar berish orqali	Davlat tomonidan berilgan mablag'lar	Xalqaro tashkilotlar yoki boshqa donor mablag'lar

Eslatma:

- a) 2, 3, 4, 5-ustunlar yig'indisi I-ustunga teng;
- b) 6, 7-ustunlar yig'indisi I-ustunga teng;
- d) 12, 13-ustunlar yig'indisi I-ustunga teng;
- e) 14, 15-ustunlar I-ustunga teng bo'lishi kerak.

* ushbu ma'lumotlar agar mavjud bo'lsa taqdim etiladi

*Aholiga bepul yuridik yordam ko'rsatish faoliyati
bilan shug'ullanuvchi nodavlat notijorat
tashkilotlari va yuridik klinikalar faoliyatini
baholash yuzasidan tanlov o'tkazish tartibi
to'g'risidagi nizomga
2-ilova*

2-jadval

Hudud nomi	Bepul yuridik yordam soni	Shundan	
		Viloyat markazlarida	Viloyat markazlaridan tashqaridagi tuman (shahar)larda
<i>Qoraqalpog'iston Respublikasi</i>			
<i>Andijon viloyati</i>			
<i>Buxoro viloyati</i>			
<i>Jizzax viloyati</i>			
<i>Qashqadaryo viloyati</i>			
<i>Navoiy viloyati</i>			
<i>Namangan viloyati</i>			
<i>Samarqand viloyati</i>			
<i>Sirdaryo viloyati</i>			
<i>Surxondaryo viloyati</i>			
<i>Toshkent viloyati</i>			
<i>Toshkent shahri</i>			
<i>Farg'ona viloyati</i>			
<i>Xorazm viloyati</i>			

Aholiga bepul yuridik yordam
ko'rsatish faoliyati bilan
shug'ullanuvchi nodavlat notijorat
tashkilotlari va yuridik klinikalar
faoliyatini baholash yuzasidan
tanlov o'tkazish tartibi to'g'risidagi
nizomga
2-ilova

3-jadval

Aholining huquqiy savodxonligini oshirishga qaratilgan ishlar					
OAVlarda chiqishlar soni	<i>shundan</i>				
	televideniya	radio	ijtimoiy tarmoqlar	elektron nashrlar	boshqalar

Aholiga bepul yuridik yordam
ko'rsatish faoliyati bilan
shug'ullanuvchi nodavlat notijorat
tashkilotlari va yuridik klinikalar
faoliyatini baholash yuzasidan
tanlov o'tkazish tartibi
to'g'risidagi nizomga
3-ilova

BAHOLASH KOMISSIYASI TARKIBI

- 1. Zaripov Fazliddin Shamsiddin o'g'li** – Adliya vazirligi Notariat, advokatura va huquqiy xizmatlar boshqarmasi bo'lim boshlig'i;
- 2. Yusupova Yoqutxon Satvoldi qizi** – Adliya vazirligi Notariat, advokatura va huquqiy xizmatlar boshqarmasi bosh maslahatchisi
- 3. Nuraliyev Shohruh Shavkat o'g'li** – BMTTD “O'zbekistonda qonun ustuvorligi va inson huquqlarini himoya qilishni mustahkamlash” loyihasi xodimi.

Izoh: Baholash komissiyasi a'zolari Tanlov o'tkazilayotgan vaqtda belgilangan lavozimdan ozod etilgan hollarda ushbu lavozimni yangi egallagan shaxs yoki ushbu lavozimga teng lavozimdagi boshqa shaxs Baholash komissiyasi tarkibiga kiritiladi.

Aholiga bepul yuridik yordam ko'rsatish faoliyati bilan shug'ullanuvchi nodavlat notijorat tashkilotlari va yuridik klmikalar faoliyatini baholash yuzasidan tanlov o'tkazish tartibi to'g'risidagi nizomga 4-ilova

TALABGOR FAOLIYATINI BAHOLASH SHAKLI

Baholash komissiyasi a'zosining F.I.O.:

Ariza raqami

T/r	Baholash mezonining nomi	Ballning eng yuqori miqdori	Baho	Baho bo'yicha tushuntirish (izoh)
1.	qamrab olingan aholi soni bo'yicha	0-15		
2.	ayollar, nogironligi bo'lgan shaxslar va yoshlarga bepul yuridik yordam ko'rsatilishi bo'yicha	0-15		
3.	chekka hududlarda bepul yuridik yordam ko'rsatilganligi bo'yicha	0-15		
4.	sayyor tartibda aholi punktlariga chiqib, bepul yuridik yordam ko'rsatilganligi bo'yicha	0-15		
5.	masofadan turib, onlayn yoki ishonch telefonlari orqali ko'rsatilgan bepul yuridik yordam ko'rsatilganligi bo'yicha	0-10		
6.	ommaviy axborot vositalari va internet tarmog'ida huquqiy	0-10		

	savodxonlikni oshirishga qaratilgan ishlarda faolligi bo'yicha			
7.	yoza hujjatlar tayyorlash, yoza tushuntirishlar berish orqali yuridik yordam ko'rsatilganligi bo'yicha	0-10		
8.	1 - 7 ustunlarda nazarda tutilganlardan tashqari bepul yuridik yordam ko'rsatishda qo'shimcha faollikni tasdiqlovchi hujjatlarning mavjudligi bo'yicha	0-10		
Umumiy ball:				

Ushbu talabgorni Tanlovda _____ uchun g'olib deb topish uchun tasdiqlash
(Nominatsiya/o'rin)

hisoblayman.

(maqsadga muvofiq yoki maqsadga muvofiq emas deb)

Sana: _____

Imzo: _____